



মডিউল ৮ ডিজিটাল নিরাপত্তা আইন ২০১৮



সাইবার অপরাধের জন্যে কঠোর শাস্তির বিধান রেখে বাংলাদেশ সরকার ডিজিটাল নিরাপত্তা আইন ২০১৮ পাস করেছে

ইন্টারনেটের ব্যবহার আমাদের জীবনকে যেমন করেছে সাচ্ছন্দময়, তেমনি এর অপব্যবহারের ফলাফলও খুবি ভয়ানক। অনলাইন ব্যবহারে সাবধান থাকার কোনো বিকল্প নেই। একটু অসচেতন হলেই ফেঁসে যেতে পারেন সাইবার অপরাধের দায়ে। জেনে হোক বা না জেনে, আপনি যদি অনলাইনে কোনো অপরাধ করেই ফেলেন, তাহলে এর জন্য দিতে হবে কঠিন মাসুল।

কিসে হয় সাইবার অপরাধ???

ফেইসবুকে বা কোনো সামাজিক যোগাযোগ মাধ্যমে কাউকে নিয়ে মানহানিকর বা বিভ্রান্তিমূলক কিছু পোস্ট করলে, ছবি বা ভিডিও আপলোড করলে, কারও নামে অ্যাকাউন্ট খুলে বিভ্রান্তিমূলক পোস্ট দিলে, অথবা এরকম কোন পোস্ট শেয়ার বা লাইক দিলেও সাইবার অপরাধ হতে পারে। ইলেকট্রনিক মাধ্যমে কাউকে হুমকি দিলে, অশালীন কোনো কিছু পাঠালে কিংবা দেশবিরোধী কোনো কিছু করলে তা সাইবার অপরাধ। আবার ইলেকট্রনিক মাধ্যমে হ্যাক করলে, ভাইরাস ছড়ালে কিংবা কোনো সিস্টেমে অনধিকার প্রবেশ করলে সাইবার অপরাধ হতে পারে। এ ছাড়া অনলাইনে যেকোনো অপরাধমূলক কর্মকাণ্ডে জড়িত হলে তাও সাইবার অপরাধ।-



সামাজিক যোগাযোগ মাধ্যমে কাউকে হয়রানি করলে জেল, জরিমানাসহ কঠোর শাস্তি হতে পারে





ডিজিটাল নিরাপত্তা আইন ২০১৮

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

সোমবার, অক্টোবর ৮, ২০১৮

বাংলাদেশ জাতীয় সংসদ

ঢাকা, ২৩ আশ্বিন, ১৪২৫/০৮ অক্টোবর, ২০১৮

সংসদ কর্তৃক গৃহীত নিম্নলিখিত আইনটি ২৩ আশ্বিন, ১৪২৫ মোতাবেক ০৮ অক্টোবর, ২০১৮ তারিখে রাষ্ট্রপতির সম্মতিলাভ করিয়াছে এবং এতদ্বারা এই আইনটি সর্বসাধারণের অবগতির জন্য প্রকাশ করা যাইতেছে :—

২০১৮ সনের ৪৬ নং আইন

ডিজিটাল নিরাপত্তা নিশ্চিতকরণ এবং ডিজিটাল মাধ্যমে সংঘটিত অপরাধ শনাক্তকরণ, প্রতিরোধ, দমন, বিচার ও আনুষঙ্গিক বিষয়াদি সম্পর্কে বিধান প্রণয়নকল্পে প্রণীত আইন

যেহেতু ডিজিটাল নিরাপত্তা নিশ্চিতকরণ এবং ডিজিটাল মাধ্যমে সংঘটিত অপরাধ শনাক্তকরণ, প্রতিরোধ, দমন, বিচার ও আনুষঙ্গিক বিষয়াদি সম্পর্কে বিধান প্রণয়ন করা সমীচীন ও প্রয়োজনীয়;

সেহেতু এতদ্বারা নিম্নরূপ আইন করা হইল :—

প্রথম অধ্যায়

প্রারম্ভিক

১। সংক্ষিপ্ত শিরোনাম ও প্রবর্তন।—(১) এই আইন ডিজিটাল নিরাপত্তা আইন, ২০১৮ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।—(১) বিষয় বা প্রসঙ্গের পরিপন্থি কোনো কিছু না থাকিলে এই আইনে—

(ক) “আপিল ট্রাইব্যুনাল” অর্থ তথ্য ও যোগাযোগ প্রযুক্তি আইন, ২০০৬ (২০০৬ সালের ৩৯ নং আইন) এর ধারা ৮২ এর অধীন গঠিত সাইবার আপিল ট্রাইব্যুনাল;

ডিজিটাল নিরাপত্তা আইন ২০১৮

সাইবার অপরাধের বিচারে দেশে কঠিন আইন রয়েছে। এক্ষেত্রে প্রথম করা 'প্রযুক্তি আইন তথ্য ও যোগাযোগ' ২০ হয০৬ সালে। পরবর্তীতে আইনটির বিভিন্ন ধারাকে কঠোর করে তা সংশোধন করা হয় ২০১৩ সালে। অনেক আলোচনা-সমালোচনার পর এই আইনের ৫৪, ৫৫, ৫৬, ৫৭ ও ৬৬ সহ মোট ৫টি ধারা বিলুপ্ত করে ২০১৮ সালের ১৮ সেপ্টেম্বরে, ডিজিটাল নিরাপত্তা আইন ২০১৮ পাস হয়। নতুন আইনের ১৭ থেকে ৩৮ ধারায় বিভিন্ন অপরাধ ও শাস্তির বিষয় উল্লেখ করা হয়েছে।

কি আছে এই ডিজিটাল নিরাপত্তা আইনে? আসুন জেনে নিই ডিজিটাল নিরাপত্তা আইনের কোন ধারায় কী শাস্তি

আইনে যে শাস্তি

আইনে অফিশিয়াল সিক্রেটস অ্যাক্ট যুক্ত করা হয়েছে। আইনের ৩২ নম্বর ধারা অনুযায়ী কোনো সরকারি, আধা-সরকারি, স্বায়ত্তশাসিত বা সংবিধিবদ্ধ সংস্থার অতি গোপনীয় বা গোপনীয় তথ্য-উপাত্ত ধারণ, প্রেরণ বা সংরক্ষণ করলে তা গুপ্তচরবৃত্তি বলে গণ্য হবে। এজন্য সর্বোচ্চ ১৪ বছরের সাজা বা ২৫ লাখ টাকা অর্থদণ্ড অথবা উভয় দণ্ড হতে পারে।



ডিজিটাল নিরাপত্তা অনলাইন কোর্স

কোর্স কন্টেন্ট



ডিজিটাল নিরাপত্তা আইনে গুপ্তচরবৃত্তি এবং সাইবার অপরাধের জন্যে কঠোর শাস্তির বিধান রয়েছে।

ধারা ৩২: যদি কোন ব্যক্তি বেআইনি প্রবেশের মাধ্যমে সরকারি, আধাসরকারি-, স্বায়ত্তশাসিত বা সংবিধিবদ্ধ কোন সংস্থার গোপনীয় বা অতি গোপনীয় তথ্যউপাত্ত ইলেকট্রনিক মাধ্যমে ধারণ করলে তা হবে ডিজিটাল - গুপ্তচরবৃত্তির শামিল। আর এটি হবে অজামিন যোগ্য অপরাধ। এমন অপরাধের জন্যে শাস্তির বিধান রাখা হয়েছে কোন ব্যক্তি প্রথমবার এই অপরাধে দোষী সাব্যস্ত হলে অনূর্ধ্ব ১৪ বছরের কারাদণ্ড বা ২৫ লাখ টাকা জরিমানা, অথবা উভয় দণ্ডে দণ্ডিত হবেন। আর একই ব্যক্তি দ্বিতীয়বার বা বারবার ওই অপরাধে দোষী প্রমাণিত হলে যাবজ্জীবন কারাদণ্ড বা এক কোটি টাকা অর্থদণ্ড বা উভয়দণ্ডে দণ্ডিত হবেন।

কোনো ব্যক্তি বা সংস্থার তথ্য-উপাত্ত যদি কম্পিউটার, ডিজিটাল ডিভাইস, ডিজিটাল নেটওয়ার্ক বা অন্য কোন ইলেকট্রনিক মাধ্যমে ধারণ, প্রেরণ বা সংরক্ষণ করা হয়, বা প্রকাশ করে বা কাউকে করতে সহায়তা করে তাহলে আইনের ১৮, ১৯ ও ২০ নম্বর ধারা অনুযায়ী ৫ বছরের কারাদণ্ড বা ১০ লাখ টাকা জরিমানা হতে পারে।



বেআইনি প্রবেশের মাধ্যমে সরকারি প্রতিষ্ঠানের তথ্য উপাত্ত ইলেকট্রনিক মাধ্যমে ধারণ করা থেকে বিরত থাকতে হবে।

ধারা ১৮: ইলেকট্রনিক ডিভাইস, কম্পিউটার সিস্টেমে বেআইনি প্রবেশ বা সহায়তা করলে সর্বোচ্চ তিন বছরের কারাদণ্ড। জরিমানা ১০ লাখ টাকা।



কপিরাইট: মুক্তপাঠ, এটিআই, আইসিটি ডিভিশন
www.muktopaath.gov.bd



ডিজিটাল নিরাপত্তা অনলাইন কোর্স



কোর্স কন্টেন্ট

ধারা ১৯: বেআইনিভাবে যদি কোনো ব্যক্তি কোনো কম্পিউটার বা কম্পিউটার সিস্টেম হতে কোনো উপাত্ত, উপাত্ত ভাঙার, তথ্য বা উদ্ভূতাংশ সংগ্রহ করেন বা কোনো উপাত্তের অনুলিপি সংগ্রহ করেন, তাহলে সর্বোচ্চ সাত বছরের কারাদণ্ড; জরিমানা ১০ লাখ টাকা।



Source: Google

বে আইনিভাবে কম্পিউটার বা কম্পিউটার সিস্টেম থেকে তথ্য চুরির জন্যে সর্বোচ্চ সাত বছরের কারাদণ্ড বা দশ লাখ টাকা জরিমানার বিধান রয়েছে।

ধারা ২০: কম্পিউটার সোর্স কোড পরিবর্তন, ধ্বংস করলে সর্বোচ্চ তিন বছরের সাজা। জরিমানা তিন লাখ টাকা।



Source: Google

ডিজিটাল নিরাপত্তা আইনের বিশ ধারা মোতাবেক কম্পিউটার সোর্সকোড পরিবর্তন বা ধ্বংস করলে সর্বোচ্চ তিন বছরের সাজা বা তিন লাখ টাকা জরিমানা হতে পারে।

আইনের ২১ নম্বর ধারা অনুযায়ী ডিজিটাল মাধ্যমে মুক্তিযুদ্ধ বা মুক্তিযুদ্ধের চেতনা বা জাতির পিতার নামে চালালে বা মদদ দিলে অনধিক ১০ বছরের কারাদণ্ড বা এক কোটি টাকা জরিমানা অথবা উভয় দণ্ড হতে পারে।

ধারা ২২: যদি কোনো ব্যক্তি ডিজিটাল মাধ্যমে বাংলাদেশের মুক্তিযুদ্ধ, মুক্তিযুদ্ধের চেতনা, জাতির পিতা, জাতীয় সংগীত বা জাতীয় পতাকার বিরুদ্ধে কোনো প্রকার প্রপাগান্ডা ও প্রচার চালানো বা উহাতে মদদ প্রদান করেন,



কপিরাইট: মুক্তপাঠ, এটিআই, আইসিটি ডিভিশন
www.muktopaath.gov.bd



Cabinet Division
Government of the People's
Republic of Bangladesh



ডিজিটাল নিরাপত্তা অনলাইন কোর্স



কোর্স কন্টেন্ট

তাহা হইলে উক্ত ব্যক্তির বিরুদ্ধে অনুরূপ কার্য ইহবে একটি অপরাধ। এই অপরাধের শাস্তি অনধিক ১০ বছরের কারাদণ্ড বা অনধিক ৩ লাখ টাকা জরিমানা বা উভয়দণ্ডের বিধান রাখা হয়েছে। দ্বিতীয়বার বা পুনঃপুনঃ অপরাধের জন্য যাবজ্জীবন কারাদণ্ড ও এক কোটি টাকা জরিমানা বা উভয়দণ্ডের বিধান রাখা হয়েছে।

ডিজিটাল মাধ্যম ব্যবহার করে আক্রমণাত্মক, মিথ্যা, ভীতি প্রদর্শক তথ্য-উপাত্ত প্রকাশ, মানহানিকর তথ্য প্রকাশ, ধর্মীয় অনুভূতিতে আঘাত, আইনশৃঙ্খলার অবনতি ঘটানো, ঘৃণা প্রকাশ, অনুমতি ছাড়া ব্যক্তিগত তথ্য সংগ্রহ, প্রকাশ বা ব্যবহার করলে জেল জরিমানার বিধান রয়েছে। এসব ক্ষেত্রে আইনের ১৭, ২৫, ২৭, ২৮, ও ৩১ নম্বর ধারা অনুসারে তিন থেকে সাত সাত বছরের কারাদণ্ড, জরিমানা বা উভয় দণ্ড হতে পারে। দ্বিতীয়বার এরকম অপরাধ করলে ১০ বছরের কারাদণ্ড হতে পারে।

ধারা ১৭: কেউ যদি ডিজিটাল মাধ্যম ব্যবহার করে জনগণকে ভয়ভীতি দেখায় অথবা রাষ্ট্রের ক্ষতি করে, তাহলে তা হবে অজামিনযোগ্য অপরাধ। এই অপরাধের শাস্তির বিধান রাখা হয়েছে এই অভিযোগ প্রমাণিত হলে তাকে - বছরের কারাদণ্ড অথবা এক কোটি ১৪ টাকা অর্থদণ্ড বা উভয়দণ্ডে দণ্ডিত হবেন।



ডিজিটাল মাধ্যম ব্যবহার করে জনগণকে ভয়ভীতি দেখানোর জন্যে ১৪ বছরের কারাদণ্ড বা ১কোটি টাকা অর্থদণ্ড বা উভয়দণ্ডের বিধান রয়েছে।

ধারা ২৫: কেউ যদি ওয়েবসাইট বা ডিজিটাল মাধ্যমে আক্রমণাত্মক ভয়ভীতি দেখায় তাহলে তাকে তিন - বছরের জেল বা তিন লাখ টাকা জরিমানা অথবা উভয়দণ্ডে দণ্ডিত হবেন।



ওয়েবসাইট বা ডিজিটাল মাধ্যমে কাউকে আক্রমণাত্মক ভয়ভীতি দেখালে তিন বছরের জেল বা তিন লাখ টাকা জরিমানা বা উভয়দণ্ডে দণ্ডিত হতে পারেন।

ধারা ২৭: নেটওয়ার্ক ব্যবহার করে কেউ রাষ্ট্রীয় অখণ্ডতা, নিরাপত্তা, স্বাৰ্বভৌমত্ব বিপন্ন করা বা জনগণের মধ্যে ভীতির সৃষ্টি করলে বা করার চেষ্টা করলে অথবা ইলেকট্রনিক নেটওয়ার্ক ব্যবহার করে জনগণের নিত্যপ্রয়োজনীয় দ্রব্যের সরবরাহ ও সেবা ক্ষতিগ্রস্ত করলে তা হবে ডিজিটাল অপরাধ। এ ধারার অধীনে কোন



কপিরাইট: মুক্তপাঠ, এটিআই, আইসিটি ডিভিশন
www.muktopaath.gov.bd





অপরাধীর শাস্তির বিধান রাখা হয়েছে- এ অপরাধে দোষী প্রমাণিত হলে তাকে ১৪ বছরের কারাদণ্ড বা এক কোটি টাকা অর্থদণ্ড বা উভয়দণ্ডে দণ্ডিত হবেন।

ধারা ২৮: যদি কোন ব্যক্তি বা গোষ্ঠী ইচ্ছাকৃতভাবে ধর্মীয় অনুভূতি বা মূল্যবোধে আঘাত করার জন্য ইলেকট্রনিক বিন্যাসে এমন কিছু প্রকাশ করে, তাহলে তাকে অনধিক ৭ বছরের কারাদণ্ড বা ১০ লাখ টাকা অর্থদণ্ড বা উভয়দণ্ডে দণ্ডিত হবেন। একই অপরাধ দ্বিতীয়বার করলে তাকে অনধিক ১০ বছরের কারাদণ্ড বা ২০ লাখ টাকা অর্থদণ্ড বা উভয় দণ্ডে দণ্ডিত হবেন।

ধারা ৩১: যদি কেউ ইচ্ছাকৃতভাবে এমন কিছু প্রকাশ বা সম্প্রচার করেন, যা বিভিন্ন শ্রেণী বা সম্প্রদায়ের মধ্যে শত্রুতা, ঘৃণা বা বিদ্বেষ সৃষ্টি করে বা সাম্প্রদায়িক সম্প্রীতি নষ্ট করে আইনশৃঙ্খলার অবনতি ঘটায়-, তাহলে তা ডিজিটাল অপরাধ। এই অপরাধের জন্য ৭ বছরের কারাদণ্ড বা ৫ লাখ টাকা অর্থদণ্ড বা উভয় দণ্ডে দণ্ডিত



সমাজের শান্তি, শৃঙ্খলা বিনষ্ট হয় এমন কিছু ইচ্ছাকৃতভাবে কেউ ডিজিটাল মাধ্যমে প্রকাশ করলে সাত বছরের কারাদণ্ড বা পাঁচ লাখ টাকা জরিমানা হতে পারে।

- ডিজিটাল মাধ্যম ব্যবহার করে প্রতারণা করলে ধারা ২৩, ২৪, ও ৩০ অনুযায়ী অনধিক ৫ বছরের কারাদণ্ড, ৫ লাখ টাকা জরিমানা বা উভয়দণ্ড হতে পারে।



ডিজিটাল মাধ্যম ব্যবহার করে প্রতারণা করলে "ডিজিটাল নিরাপত্তা আইন ২০১৮" এর ২৩, ২৪ ও ৩০ ধারা অনুযায়ী কঠোর শাস্তি হতে পারে।



ডিজিটাল নিরাপত্তা অনলাইন কোর্স



কোর্স কন্টেন্ট

ধারা ২৩: কোন ব্যক্তি ডিজিটাল মাধ্যম ব্যবহার করে প্রতারণা করলে, ৫ বছরের কারাদণ্ড বা ৫ লাখ টাকা অর্থদণ্ড বা উভয়দণ্ডে দণ্ডিত হবেন। কোন ব্যক্তি দ্বিতীয়বার একই অপরাধ করলে তাকে ৭ বছরের কারাদণ্ড বা উভয়দণ্ডে দণ্ডিত হবেন।

ধারা ২৪: কম্পিউটার সিস্টেম ব্যবহার করে প্রতারণা, কাউকে ঠকানোর জন্য অপর কোন ব্যক্তির পরিচয় ধারণ করা জীবিত বা মৃত অপরের তথ্য নিজের বলে প্রচার করা ডিজিটাল অপরাধের শামিল। প্রথম দফায় এ অপরাধের শাস্তি ৫ বছরের কারাদণ্ড বা ৫ লাখ টাকা অর্থদণ্ড বা উভয়দণ্ড। কোন ব্যক্তি দ্বিতীয়বার একই অপরাধ করলে তাকে ৭ বছরের কারাদণ্ড বা উভয়দণ্ডে দণ্ডিত হবেন।



বিশ্বসেরা অলরাউন্ডার, বাংলাদেশের গর্ব সাকিব আল হাসানকে কে না পছন্দ করে! ফেসবুকে তার নামে রয়েছে শত শত আইডি। এগুলোর একটিও তার নিজের নয়। মানে, এগুলো সবই ফেইক আইডি। এভাবে, ডিজিটাল মাধ্যমে অন্যের পরিচয়ধারণ করা কিংবা পরিচয় ধারণ করে কোন প্রতারণার আশ্রয় নেয়াও কঠোর শাস্তিযোগ্য অপরাধ।

ধারা ৩০: না জানিয়ে কেউ যদি কোন ইলেকট্রনিক ডিভাইস ব্যবহার করে ব্যাংক বীমায় ইট্রানজেকশন করে - লাখ টাকা জরিমানা বা ৫ বছরের কারাদণ্ড বা ৫ তাহলেউভয় দণ্ডে দণ্ডিত হবেন।

• ছবি বিকৃতি বা অসং উদ্দেশ্যে ইচ্ছেকৃতভাবে বা অজ্ঞাতসারে কারো ব্যক্তিগত ছবি তোলা, প্রকাশ করা বা বিকৃত করা বা ধারণ করার মতো অপরাধ করলে ২৬ নম্বর ধারা মোতাবেক পাঁচ বছরের কারাদণ্ড হতে পারে। ইন্টারনেটে পর্নগ্রাফি ও শিশু পর্নগ্রাফির অপরাধে সাত বছর কারাদণ্ড বা পাঁচ লাখ টাকা জরিমানা বা উভয় দণ্ড হতে পারে।



Source: Google

অজ্ঞাতসারে কারো ব্যক্তিগত ছবি তোলা, প্রকাশ বা বিকৃত করার অপরাধে সাত বছর কারাদণ্ড, পাঁচ লাখ টাকা জরিমানা বা উভয় দণ্ড হতে পারে।



কপিরাইট: মুক্তপাঠ, এট্রাই, আইসিটি ডিভিশন
www.muktopaath.gov.bd





Source: Google

ডিজিটাল নিরাপত্তা আইনে পর্নোগ্রাফি বা শিশুপর্নোগ্রাফির মত জঘন্যতম অপরাধের জন্য রয়েছে কঠোর শাস্তি।

ধারা ২৬: আইনগত কর্তৃত্ব ছাড়া অন্য কারও পরিচিতি তথ্য সংগ্রহ, বিক্রি, সরবরাহ ও ব্যবহার করা হবে অপরাধ। প্রথম দফায় এ অপরাধের শাস্তি ৫ বছরের কারাদণ্ড বা ৫ লাখ টাকা অর্থদণ্ড বা উভয়দণ্ড। কোন ব্যক্তি দ্বিতীয়বার একই অপরাধ করলে তাকে ৭ বছরের কারাদণ্ড বা উভয়দণ্ডে দণ্ডিত হবেন।



Source: Google

ডিজিটাল মাধ্যমে অপরিচিত বা স্বল্প পরিচিত কারো সাথে ব্যক্তিগত তথ্য শেয়ার করা থেকে বিরত থাকুন। নইলে আপনিও জঘন্য সাইবার ক্রাইমের শিকার হতে পারেন।

আইনের ৩৩ নম্বর ধারা অনুযায়ী, কোন ব্যাংক, বীমা বা আর্থিক সেবা প্রতিষ্ঠান থেকে কোন ইলেকট্রনিক বা ডিজিটাল মাধ্যম ব্যবহার করে আইনানুগ কর্তৃত্ব ছাড়া অনলাইন লেনদেন করলে পাঁচ বছরের কারাদণ্ড, পাঁচ লাখ টাকা জরিমানা বা উভয় দণ্ড হতে পারে।

ধারা ৩৩: কোন ব্যক্তি কম্পিউটার সিস্টেমে বেআইনি প্রবেশ করে সরকারি বা আধা সরকারি আর্থিক সংস্থার তথ্য সংযোজন, বিয়োজন বা স্থানান্তর ঘটানোর অপরাধ করলে তার শাস্তি ৫ বছরের কারাদণ্ড বা ১০ লাখ টাকা জরিমানা বা উভয় দণ্ডে দণ্ডিত হবেন। একই অপরাধ দ্বিতীয় মেয়াদে করলে তার ৭ বছরের কারাদণ্ড বা ১৫ লাখ টাকার অর্থদণ্ড বা উভয়দণ্ডে দণ্ডিত হবেন।

কম্পিউটার হ্যাকিংয়ের বিষয়েও বিধান রয়েছে এই আইনে। সেখানে ধারা ৩৪ এ বলা হয়েছে কম্পিউটার, কম্পিউটার প্রোগ্রাম, কম্পিউটার সিস্টেম বা কম্পিউটার নেটওয়ার্ক বা ডিভাইস, ডিজিটাল সিস্টেম বা ডিজিটাল নেটওয়ার্কে প্রবেশাধিকার ব্যাহত করে, এমন ডিজিটাল সন্ধানী কাজের জন্য অপরাধী হবেন এবং এজন্য অনধিক ১৪ বছর কারাদণ্ড অথবা এনধিক এক কোটি অর্থদণ্ড অথবা উভয় দণ্ডে দণ্ডিত হবে।

ধারা ৩৪: হ্যাকিংয়ের শাস্তি ১৪ বছরের কারাদণ্ড বা এক কোটি টাকা অর্থদণ্ড বা উভয়দণ্ড রাখা হয়েছে। দ্বিতীয় দফায় এ অপরাধের শাস্তি যাবজ্জীবন কারাদণ্ড বা ৫ কোটি টাকা অর্থদণ্ড বা উভয়দণ্ড।





Source: Google

হ্যাকিং বা হ্যাকিং-এ সহযোগিতার জন্যেও রয়েছে কঠোর শাস্তির বিধান।

বাংলাদেশ বা বিশ্বের যেকোনো বসে বাংলাদেশের কোন নাগরিক যদি এই আইন লঙ্ঘন করেন, তাহলেই তার বিরুদ্ধে এই আইনে বিচার করা যাবে।

ডিজিটাল নিরাপত্তা আইনের বিচার হবে বিশেষ ট্রাইব্যুনালে। অভিযোগ গঠনের ১৮০ কার্যদিবসের মধ্যে মামলার নিষ্পত্তি করতে হবে। তবে এর মধ্যে করা সম্ভব না হলে সর্বোচ্চ ৯০ কার্যদিবস পর্যন্ত বাড়ানো যাবে।

অপরাধের শিকার হলে কিংবা ফেঁসে গেলে

কোনো কারণে আপনি যদি সাইবার অপরাধের শিকার হন, তাহলে আপনার নজরে আসা মাত্রই আপনি আইনশৃঙ্খলা রক্ষাকারী বাহিনীর কাছে বিষয়টি অবগত করে রাখতে পারেন। প্রয়োজনে সাধারণ ডায়েরি (জিডি) করে রাখতে পারেন।

বাংলাদেশ টেলিযোগাযোগ নিয়ন্ত্রণ কমিশনেও লিখিতভাবে জানিয়ে রাখতে পারেন। এত (বিটিআরসি)ে করে কেউ আপনাকে মিথ্যাভাবে ফাঁসানোর চেষ্টা করলে আপনি কিছুটা সুরক্ষা পেতে পারেন।

আপনি যদি সাইবার অপরাধের গুরুতর শিকার হন এবং প্রতিকার পেতে চান, তাহলে ডিজিটাল নিরাপত্তা আইন ২০১৮-এর আশ্রয় নিতে পারেন। এ আইনের আওতায় থানায় এজাহার দায়ের করতে পারেন। এক্ষেত্রে পুলিশ পরোয়ানা বা অনুমোদন ছাড়াই তল্লাশি, জব্দ এবং গ্রেপ্তার করতে পারবে।

আপনার ওয়েবসাইট কেউ হ্যাক করলে, ফেসবুক বা অন্য যেকোনো মাধ্যম হ্যাক হলে এবং আপনার ব্যক্তিগত তথ্য কেউ চুরি করলে কিংবা অন্য কোনো অপরাধের শিকার হলে দেরি না করে কাছের থানায় জানিয়ে রাখা উচিত।

যদি সাইবার অপরাধের অভিযোগে মিথ্যাভাবে ফেঁসে যান, তাহলে আইনশৃঙ্খলা রক্ষাকারী বাহিনীর কাছে বুলিয়ে বলতে হবে যে আপনি পরিস্থিতির শিকার। যদি আদালতে আপনাকে প্রেরণ করা হয় তাহলে আদালতে নিজেকে নির্দোষ প্রমাণের চেষ্টা করে যেতে হবে।

যদিও এটা সত্য যে আইনে অনেক ফাঁকফোকর রয়েছে; যার ফলে এ আইনের অপব্যবহারও ঘটছে। তাই আইনের আশ্রয় নেওয়ার পাশাপাশি সচেতন হওয়া জরুরি।

